



Vaksin COVID-19 untuk pesakit buah pinggang

Bolehkah pesakit buah pinggang menerima vaksin COVID-19?

YA! Pesakit buah pinggang mempunyai risiko yang lebih tinggi untuk jangkitan COVID-19 yang serius dan perlu diberi keutamaan untuk menerima vaksin.

Adakah kita menjangkakan lebih banyak kesan sampingan untuk pesakit buah pinggang selepas vaksinasi COVID-19?

Vaksin COVID-19 belum diuji secara khusus ke atas pesakit buah pinggang. Walau bagaimanapun, **TIDAK dijangka akan menyebabkan lebih banyak kesan sampingan.**

Mengapa kita perlu menanggungkan suntikan vaksin untuk penerima pemindahan buah pinggang?

Keberkesanan vaksin akan **berkurangan** semasa sistem ketahanan tubuh sangat rendah, terutamanya dalam 3 bulan pertama selepas pemindahan buah pinggang.

Adakah vaksin COVID-19 berkesan pada pesakit buah pinggang berbanding orang yang sihat?

Vaksin COVID-19 belum diuji secara khusus ke atas pesakit buah pinggang. Bagaimanapun, vaksin COVID-19 dijangka **KURANG** berkesan dalam kalangan pesakit buah pinggang akibat sistem ketahanan tubuh (imuniti) yang lebih rendah.

Oleh itu, **AMATLAH PENTING** untuk kita mematuhi semua langkah pencegahan selepas menerima suntikan vaksin.

Apakah jenis vaksin COVID-19 yang sesuai untuk pesakit buah pinggang?

SEMUA jenis vaksin sesuai untuk pesakit buah pinggang kronik.

Penerima pemindahan buah pinggang adalah dinasihatkan untuk hanya menerima vaksin yang tidak aktif (contohnya Sinovac), vaksin mRNA (contohnya Pfizer-BioNTech), atau vaksin subunit protein (contohnya Novavax).

Bilakah masa yang sesuai untuk menerima suntikan vaksin COVID-19?

Secepat mungkin!

Penerima pemindahan buah pinggang dinasihatkan untuk menanggungkan suntikan vaksin sehingga 3 bulan selepas pemindahan buah pinggang.